



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Locedien. Abbatii.

urn:nbn:de:hbz:466:1-20006

judicium prædictorum Episcopi & Archidiacon. Ebroicen. quibus super restituzione ipsius S. à dicto prædecessore nostro fuerat causa commissa, de utriusque partis assensu compositionem sub eo tenore factam fuisse quod Prioratus sancti Stephani cum omnibus pertinentiis suis & alia quædam sibi concessa fuerunt, dum viveret, possidenda, & ipse à lite spontanea voluntate recessit, & instrumenta sua fracto sigillo, quo usus fuerat, in manibus eorundem judicum resignavit, & quod abbatiam abjuraverit memoratam, ex literis jam dicti Rothomagen. Archiepiscopi perpendimus evidenter } nolentes per nos, qui punimus perjuria, viam perjurii aperiri, cum & ipse recipiendo compositionem hujusmodi renuntiaverit abbatiæ, communicato fratum nostrorum consilio ab imperitione ipsius S. vos & monasterium vestrum absolvimus, perpetuum ei super questione ipsa silentium imponentes, non obstante quod factum est ab ultimis delegatis, cum ex his appareat evidenter ipso, (ut de aliis raseamus) si eis de præmissis constitit, minus legitimè processisse, restituentes illum qui non habebat jus aliquod repetendi. Et quamvis solus Abbas, antequam appellaretur ab eo, juxta formam literarum nostrarum procedere potuisset: quia tamen ex eo quod cum ipso Episcopo interlocutus est, appellationem non tenuisse de jure sine ipso, dum posset & vellat negotio interesse, per consequentiam confessus est se non posse mandatum apostolicum adimplere, nec suæ intentionis exitit ut sine conjugice suo aliquid diffiniret, & cum eo, qui jam judex esse desierat, aliquid super præmisso negotio rite disponere non valebat, voluntate ac potestate sibi mutuo adversantibus, cum noluerit quod potuit, & quod voluit adimplere nequiverit, quod à duobus factum fuit, effectum de jure non potuit obtinere. Nulli ergo &c. Datum Laterani Idibus Aprilis.

LOCEDIEN. ABBATI.

Epif. 39.
Vt pacem inter
Placentinos &
Parmenses fa-
cere laboret.

CVM plenitudo legis secundum Apostolum sit dilectio, profecto dissensio divinae legis hominem constituit transgressorē: quæ sèpius ex odio radice procedit, & eliminatis virtutibus, copiam generat vitiorum; dum unus ut

in alterum suas injurias vindicet, dum ut de inimico triumphet, nec divinam offendam, nec homicidij crimen, nec reatum perjurij expavescit. Hæc enim naturalis legis jura confundens, quod sibi non vult, alij per violentiam nititur interrogare. Hæc dum persequitur proximū, nec Deum nec proximum diligere comprobatur. Qui enim non diligit fratrem quem vider, Deum, quem non vider, quomodo potest diligere? Hujus autem incommodates plenius Veritas, quæ mentiri non novit, attendens, in Evangelio protestatur, Omne (inquiens) regnum in se ipsum divisam desolabitur, & domus supra domum cadet. Ceterum, quamvis in libro scripturæ satis dissensionis incommoda prænotentur, manifestius tamen diligenter inspicientibus in libro experientæ quotidianæ patebunt. Nam (ut non longè petantur exempla) quot ex dissensione quæ inter Placentin. & Parmen. super burgo sancti Domini vertitur, mala contigerint, quot sint pericula (nisi Deus aliter providerit) proventura, tua discretio non ignorat. Ecce enim invicem sanguinem suum sitiunt, & esuriunt mutuo stragem suam: nec sufficit utrisque per se contra alteros dimicare, sed universam Lombardiam commoverunt ad arma & alteri, cum universis fautoribus suis, alteris & omnibus eorum complicibus generale prælrium indixerunt. Quia vero nos, licet insufficientibus meritis, vicem ejus tenemus in terris qui nascens ex virgine, per cœlicos cives pacem bona voluntatis hominibus nunciavit, & resurgens, & ascensurus in cœlum, pacem legavit discipulis, ut & ipsi ejus imitantes exemplum, pacem aliis prædicarent, ne si ventum fuerit ad conflictum, multis hinc morientibus fiat hæc dissensio immortalis, ne etiam præter stragem corporum incurvant insuper periculum animarum, discretioni tuae per apostolica scripta mandamus, & in virtute obedientiæ sub quantacunque possimus districione præcipimus, quatenus cum venerabilibus fratribus nostris Mediolan. Archiepiscopo, & Vercellen. Bergomen. Laudien. Brixien. Cremon. Regin. Placentin. & Parmen. Episcopis, quibus super hoc etiam scribimus, per te, & alios quos ad hunc necessarios cognoveris esse tractatum, ad eorum concordiam & pacem intendas, & ut imminentia mala videntur,

tur, indefesso studio & solitudine diligenti procures ; ita quod apud Deum aeternæ retributionis mercedem, & apud nos dignas gratiarum actiones valeas promereri. Si vero desuper datum non fuerit ut per admonitionem & exhortationem ipsorum & tuam impleri valeat quod mandamus, tu per excom. Pote statum, Consulum, & Consiliariorum, & principalium fatorum tam Placent quād Parmen. ipsos Placen. & Parm. ad subeundum judicium nostrum sufficien tissima in manibus tuis hinc inde praestita cautione, vel Parmen. ut burgum ipsum nomine nostro in manibus tuis tenendum assignent restituendum per nos eis quibus de jure fuerit assignandum, omni occasione, excusatione, dilatione, appellatione, & recusatione cessantibus, nostra fretus auctoritate compellas ; & eis insuper commineris, quod nisi mandatis paruerint apostolicæ sedis, manus nostras super eis curabimus aggravare. Quod si competentiorem modum, dum tractaveris super his cum partibus, poteris invenire, secundum eum procedere non omittas. Novit enim Dominus, qui renum & cordium est scrutator, quod super hoc ex puritate procedimus, non ut alterutri partium cum alterius dispensio placeamus, sed ut officij nostri debitum exequentes, sopiaamus dissensionem ipsam concordia, vel judicio terminemus ; cūm in simili casu Reges & Principes, sicut te latere non credimus, ecclesiastica distictione duxerimus compellendos. Cūm enim inter alias orbis provincias præsertim sumus de Lombardiae statu solicii, communī Lombardorum utilitati consulere cupimus, & gravaminibus præcayere ; ne si (quod absit) inter se processerint ad conflitum, præter alia pericula, strages exinde non modica subsequatur. Sufficienti vero cautione ab utraque parte quod judicio vel mandato nostro pareat, & a Parmen. possessione receptis, si per publicam famam vel alias legitimè tibi constiterit Parmen. ipsos possessionem temeritate propria Placentinis per violentiam abstulisse, possessionem ipsam restituas Placentinis, cūm id ordo juris exposcat ; ita tamen quod prius tibi sufficienter ca veant, ut si quid postmodum propositum fuerit, mandato nostro sint & judicio parituri. Datum Laterani V. Kal. Maij.

VV. REMEN. ARCHIEPISC.
sancte Sabinae Cardinali.

Cum ex injuncto nobis apostolatus officio sumus secundum Apostolum sapientibus & insipientibus debitores, & omni potenti justitiam facere teneamur, mirum esse non debet aliquibus vel molestum, si ad ea corrigenda quæ noscuntur contra justitiam attentata, manum apostolice correctionis apponimus, & ad juris tramitem studemus, sicut convenit, revocare. Sanè ad audienciam nostram dilecto filio nobili viro B. Comite Flandrensi significantre pervenit, quod cūm olim apud Vernonem cum carissimo in Christo filio nostro illustri Rege Franciæ quasdam conventiones inisset, quas se promisit juramento interposito servaturum ; quia tamen homines suos inducere non potuit ad observationem ipsarum, ab ipso Rege postulavit absolvī : qui eum apud Compendium, coram multis viris prudentibus & discretis, ab ipsis denuntiavit conventionibus absolutum. Cūmque postmodum idem Rex instrumentum super conventionibus ipsis confectum, quod penes se post factam absolutionem retinuit, fecisset felicis recordationis Celestino prædecessori nostro cum literis testimonialibus præsentari, absolutionis prædictæ non habita mentione, ipse prædecessor noster conventiones illas auctoritate apostolica confirmavit, & præcepit inviolabiliter observari. Postmodum vero cūm per insinuationem præfati Comitis & virorum religiosorum testimonium, qui absolutioni factæ interfuisse dicuntur, eidem prædecessori nostro de absolutione illa pleniū constitisset, ipse præfatum Comitem tam à conventionibus ipsis, sicut eas ipsi memoratus Rex afferitur remisisse, quād à juro super earum observatione præstito, confirmatione sedis apostolice seu literis aliis nequaquam obstantibus, redditit penitus absolutum ; sicut in rescripto ejusdem absolutionis sigillis dilectorum filiorum nostrorum Elec̄ti, Præpositi, Decani, & Capituli Cameracensis, & de Gamberon, sancti Dionysij, sancti Gilleni, de Crispinio, de sancto Amando, de sancto Iohanne de Vallencenis, de Afnonio, de Aquicinco, de Marchenis, sancti Auberti, & sancti Sepulchri in

Epist. 40.
Quod absolvat
Comitem Flā-
ndriæ ab excō-
municatione,
& terram ejus
ab interdicto.